



Pou Piblikasyon Imedya: 02/03/2021

GOUVÈNÈ ANDREW M. CUOMO

## GOUVÈNÈ CUOMO ANONSE PWOGGRAM PILÒT POU TESTE KAT EXCELSIOR A NAN MADISON SQUARE GARDEN AK BARCLAYS CENTER

*Premye Faz pilòt la reyisi pandan jwèt Brooklyn Nets la nan Barclays Center*

*Y ap teste Kat Excelsior a ankò pandan jwèt Rangers yo nan dat 2 mas nan Madison Square Garden*

*Teknoloji ki fè prèv li epi sekirize a ap konfime vaksinasyon oswa tès COVID negatif ki resan yon moun; Ap ede reouvèti rapid Teyat, Estad ak lòt Biznis toutotan plis Nouyòkè ap vaksinen*

*Devlope nan patenarya avèk IBM*

*Kapti ekran Kat Excelsior a disponib [Isit la](#)*

*Inisyativ la te premye anonse nan diskou Gouvènè a sou Sityasyon Eta a an 2021*

Gouvènè Andrew M. Cuomo te anonse jodi a yon pwogram pilòt pou teste Kat Excelsior a pandan evènman nan Madison Square Garden ak Barclays Center. Kat Excelsior a ki te premye anonse nan diskou Gouvènè a sou sitiayson eta a nan patenarya avèk IBM, ap itilize teknoloji ki fè prèv yo epi ki sekirize pou konfime vaksinasyon oswa yon tès COVID-19 negatif ki resan yon moun atravè yon transfè done konfidansyèl pou ede reouvèti teyat, estad ak lòt biznis yo selon enstriksyon Eta New York. Nouvèl teknoloji sa te teste nan fason ki reyisi pandan premye faz pilòt pandan jwèt Brooklyn Nets la nan Barclays Center nan dat 27 fevriye. Y ap teste l ankò yon dezyèm fwa pandan jwèt New York Rangers la nan dat 2 mas nan Madison Square Garden.

Menm jan ak yon kat anbakman, moun yo ap kapab swa enprime kat yo oswa konsève li sou telefòn yo lè yo itilize "Wallet App (Aplikasyon Bous)" Kat Excelsior a. Chak kat ap genyen yon kòd QR sekirize, ke lokal yo ap eskane lè yo itilize yon aplikasyon ki akonpaye pou konfime estati sante yon moun pou COVID la. Rezulta pwogram pilòt la ap itilize pou amelyore kalite aplikasyon an, k ap maksimise retou sou envestisman epi ekonomize tan devlopman, anvan pou soumèt li bay Apple ak Google pou apwobasyon pou ale nan magazen aplikasyon yo.

"N ap fè tout sa nou kapab pou vaksinen kantite Nouyòkè ki posib, pi rapid ke posib pandan n ap kenbe to enfeksyon an ba epi redinamize ekonomi nou an nan yon fason ki san danje, entelijan", **Gouvènè Cuomo te deklare**. "Pandan nou kòmanse reouvrir valv yo sou differan sektè nan ekonomi nou an, n ap mete enstriksyon yo anplas pou asire moun k ap patisipe nan evènman ki enplike gwo rasanbleman yo teste negatif pou COVID la oswa te vaksinen pou evite yon eksplozyon viris la. Kat Excelsior a ap jwe yon wòl empòtan nan resevwa enfòmasyon pou lokal ak sit yo nan yon fason ki sekirize epi rasyonalize, k ap pèmèt nou akselere reouverti biznis yo epi mennen nou a yon pa pi pre pou retounen nan yon novo nòmalite."

pandan kèk biznis an mezi pou fonksyone lè yo diminye kapasite yo oswa lè anplwaye yo travay lakay yo, anpil lòt, tankou sa k ap fè evènman atistik ak espòtif yo ki gen fanatik yo, ki enplike gwo rasanbleman ki dans, te kapab ouvri sèlman anba enstriksyon sante ak sekirite ki strik. Pliske plis Nouyòkè ap vaksinen, aktivite sa yo ap pèmèt pou rekòmanse selon novo enstriksyon sante piblik yo, e novo aplikasyon mobil sa ka ede akselere pi plis reouverti lokal sa yo.

Nan kad enstriksyon pou reouverti estad ak teren Gouvènè a [te anonsé](#) nan dat 10 fevriye a, espas yo dwe asire ke tout anplwaye ak espektatè yo resevwa yon tès PCR negatif pou COVID-19 PCR 72 èdтан anvan evènman an. Pandan pwogram pilòt sa, yon sou-ansanm ap kapab itilize kat la pou konfime tès COVID-19 negatif resan yo epi jwenn antre nan evènman sa yo nan Barclays Center ak Madison Square Garden.

Pwoteksyon konfidansyalite estrik trikote toupatou nan solisyón kat sante dijital la, k ap bay moun yo yon fason ki sekirize, ki ka verifye epi ki fyab pou kenbe kontwòl sou enfòmasyon sante k ap itilize yon bous dijital sou smartphone ki kripte oswa idantifyan ki enprime. Chak patisipan ap kapab detèmine si yo ta renmen itilize li - e si wi, ki kat yo swete itilize pou chak objektif - tout sa san pataje done pèsonèl fondamantal yo. Yo toujou kenbe done itilizatè yo konfidansyèl, e patisipasyon an volontè. Kòd QR la sèlman enfòme lokal la si yon kat valid oswa pa valid.

**Steve LaFleche, Manadjè Jeneral, Mache Piblik ak Federal IBM, te deklare**, "Solisyón sa ka pwouve New York, ak lòt eta yo, yon senp metod sekirize epi volontè pou montre prèv yon rezulta tès COVID-19 oswa sètifikasi vaksinasyon. IBM fyè pou sipòte Eta New York ak efò li yo pou aplike teknoloji ki inovan pou ede rezidan ak kominate yo reponn ak COVID-19 la".

**James Dolan, Prezidan Egzekitif, MSG Sports ak Prezidan Egzekitif ak PDG, MSG Entertainment, te deklare**, "Nou kontan pou fè patenarya ak eta a sou pwojè pilòt empòtan sa, ke nou espere ap yon lòt etap nan ede Vil New York reouvrir".

**John Abbamondi, PDG BSE Global, te deklare**, "Nou bat bravo pou Eta a paske li devlope Kat Excelsior a, ke nou kwè ka ede Nouyòkè yo retounen rapidman nan plas yo pandan I ap kenbe yo an sekirite kont COVID-19 la. Barclays Center ak Nets fyè pou patisipe nan efò sa".

Kat Excelsior a ak aplikasyon verifikasyon ki akonpaye li yo apiye [solisyon Kat Sante Dijital IBM nan](#) e li fèt pou pèmèt verifikasyon idantifyan sante tankou rezulta tès ak dosye vaksinasyon. Teknoloji sa ki itilize blockchain, moun ap kapab pataje eta sante yo volontèman atravè yon bous dijital kripte sou smartphone yo san yo pa bezwen pataje enfòmasyon medikal ak pèsonèl fondamantal yo. Teknoloji a fleksib epi konstui pou adapte, k ap pèmèt lòt eta yo rejwenn epi ede favorize yon tranzisyon ki pi sekirize, pi fyab pou yon reyalite apre pandemi.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)